



Kamis, 19 Mei 2022

Ogen: Kuan-kuanen 17:24



Kalak Pentar Meteh Aturen



Kiniraturen seh kal perluna ibas kegeluhen. Ibas kai pe lit aturena, adi siperdiateken olah raga: bola volli, badminton, bola kaki, tarik tambang, renang ras sidebanna lit peraturen siman ikuten. Anak sekolah pe lit nge aturen siman ikutenna. Ibas jabu pe lit nge aturen siibahan gelah mehuli jabu e. Termasuk main alep cendong pe anak-anakta lit aturena. Aturen enda arus iikuti kerinana gelah seh sura-sura ras tujunna. Seh pe tujun tapi dikune ngelanggar aturen, banci gagal.

Renungennta wari enda pe nuriken kerna kalak sipentar ras motu ibas ngelakoken disiplin. Adi kalak pentar jelas perayakenna pemeteh. Dikune enggo lit bas ia pemeteh, kai pe banci idatkenna, ietehna kai kunci suksesna, emaka e sidaramina. Tapi kalak bodoh, labo itehna kai tujunna, labo ietehna ja nari ilakokenna gelah seh tujunna e. Kalak si la ratur, dat-dat je saja, kai iakapna meriah ngelakokenca e ialakokenna. Lanai ka iakapna meriah, ingadikenna ka nge. Emaka ikatakenna ije la ertentun tujunna, kujapa pe tendengina, ntah labo ikurina ukur kalak sideban.

Adi sipergermenken genduari enda ntah enggo reh tambahna geluh kalak si la ertentun, la ertujun, ragu ras bingung ia natap masa depanna. Emaka arah kitab enda iajuk kita ngidah ras gelah meteh maka kepentaren me ulu kerina simehuli eme si siiarapken Dibata ibas anak-anakna nari. Emaka banci kerinana geluh isi jabu e ratur, aman, terkendali sabab kerinana meteh aturen 'mainna' ibas kai pe siilakokenna. Dikune ianggar aturen man siibahan ras isepakati sedekah enda maka lit sangsi siarus idalanina. Kalak si la atena kena sangsi, patuh ia kubar aturen si lit gelah geluhna pe tenang ras dame.